

आकाशवाणी

खबरां ----

1. प्रधानमंत्री नरेंद्र मोदी होरें दिल्ली च बक्ख-बक्ख विकास परियोजनाएं दा उद्घाटन कीता।
2. प्रधानमंत्री नरेंद्र मोदी वीडियो कांफ्रेंस राहें 6 जनवरी गी जम्मू रेलवे डिविजन दे शुरूआत दी घोषणा करंगन।
3. राष्ट्रपति द्रौपदी मुर्म होर बैंगलुरु च NIMHANS दी स्वर्ण जयंती समारोह च शामिल होइयां।
4. उपराष्ट्रपति जगदीप धनखड़ होरें आखेआ जे वेदांत दर्शन थमां परे ऐ, एहू मानव चेतना लेई इक विधि ऐ।
5. क्रिकेट टेस्ट मैच च बोलैंड दे 4 विकेटां लैने दी बदौलत आस्ट्रेलिया नै भारत गी 185 रन्जें पर आलआउट करी दित्ता।



PM Delhi

प्रधानमंत्री नरेंद्र मोदी होरें अज्ज दिल्ली च केई विकास परियोजनाएं दा उद्घाटन कीता ते केई दा नीहू पत्थर रक्खेआ। उने राष्ट्रीय राजधानी दे अशोक विहार च झुगगी झोंपडी आह्ले निवासियें आस्तै लगभग इक हजार 7 सौ नवनिर्मित फ्लैटें दा उद्घाटन कीता ते योग्य लाभार्थियें गी उन्दे घरें दियां चाबियां सौपियां। श्री मोदी होरें फ्लैटें दे लाभार्थियें कन्ने गल्लबात कीती ते नमें दिते गेदे फ्लैटें दा निरीक्षण कीता। इने नवनिर्मित फ्लैटें दे

उद्घाटन कन्नै गै दिल्ली विकास प्राधिकरण आस्सेआ अपने मूल स्थान पर -इन सीटू स्लम पुनर्वास परियोजना दा दुआ गेड पूरा होई जाग। इस परियोजना दा मसकद झुग्गी बस्तियों च रौहने आहले गी लोडचदी सुख-सुविधाएं कन्नै लैस बेहतर ते सेहतमंद रौहने दा माहौल प्रदान करना ऐ। इस मौके पर, प्रधानमंत्री मोदी होरें दो शैहरी पुनर्विकास परियोजनाएं- नौरोजी नगर च वर्ल्ड ट्रेड सेंटर ते सरोजिनी नगर च जनरल पूल आवासीय आवास टाइप-II क्वार्टर दा बी उद्घाटन कीता। जीपीआरए क्वार्टर च 28 टावर शामिल ऐ, जिन्दे च दो हजार पांच सौ थवा मतियां आवासीय इकाइयां ना। प्रधानमंत्री होरें द्वारका च लगभग 300 करोड़ रुपे दी लागत कन्नै निर्मित केंद्रीय माध्यमिक शिक्षा बोर्ड दे एकीकृत कार्यालय परिसर दा बी उद्घाटन कीता। मगरा लोकें गी संबोधित करदे होई उनें नमे बरे दियां शुभकामना दितियां। उने आखेआ जे एहू बरा भारत आस्ते वैश्विक मंचें पर नमी उपलब्धय दा बरा होगा।



Jammu rly Division

रेल मंत्रालय फिरोजपुर डिविजन दा पुर्नगठन करियै उत्तरी रेलवे जोन तैहत इक नमा रेलवे डिविजन कायम करोग जेदा मुख्यालय जम्मू च होगा। आकाशवाणी संवाददाता नै जानकारी दित्ती ऐ जे मंत्रालय आसेआ उत्तरी रेलवे गी पैहली जनवरी 2025 गी आधिकारिक तौर पर दित्ती गेदी जानकारी च आखेआ गेआ ऐ जे जम्मू डिविजन लेई 5 सैक्शनां प्रस्तावित कीतियां गेइयां ना। तोआई, 5 जनवरी गी श्रीनगरथमां जम्मू लेई इक

विशेष निरीक्षण रेल गड्डी चलाई जाग जेड़ी खित्ते दे रेल सरबंधी विकास च इक संगेमील साबित होग। आकाशवाणी जम्मू दे संवाददाता दी रिपोर्ट मूजब प्रधानमंत्री नरेंद्र मोदी होर 6 जनवरी गी वीडियो कांफ्रेंसिंग राहें जम्मू रेलवे डिविजन दी स्थपना दी घोषणा करंगन। इस कार्यक्रम च उपराज्यपाल मनोज सिन्हा होर ते मुखमंत्री उमर अब्दुल्ला बी शामिल होंगन। 5 जनवरी गी केंद्री रेल मंत्री होर श्रीनगर रेलवे स्टेशन ते कश्मीर रेल परियोजना दी उधमपुर-श्रीनगर-बारामूला रेल लिंक सेक्शन दा निरीक्षण करंगन। एहदे अलावा रेलवे सुरक्षा दे कमिशनर दिनेश चंद देशवाल होर 7 ते 8 जनवरी गी कश्मीर रेल परियोजनां दे रियासी कटड़ा सेक्शन दा निरीक्षण करंगन।

<><><><><><>

PM-Urs

प्रधानमंत्री नरेन्द्र मोदी होरें ख्वाजा मोइनुद्दीन चिश्ती हुन्दे उर्स पर लोकें गी बधाई दिती ऐ। उने सब्बनें दे जीवन च खुशी ते शान्ति दी कामना कीती। श्री मोदी होरें अल्पसंख्यक कार्यमंत्री किरिन रिजिजू होरें गी इक चादर भी दिती जिसी प्रधानमंत्री हुन्दी पेठा दा उर्स पर अजमेर शरीफ दरगाह च भेंट कीता जाग। श्री रिजिजू होरें अज्ज दिल्ली च निजामुद्दीन औलिया दरगाह दा दौरा कीता ते चादर चढाई। उने मीडिया गी दस्सेआ जे ओहू कल अजमेर शरीफ च श्री मोदी हुन्दे आस्सेआ चादर चढाङन।

<><><><><><>

Fishermen

बांग्लादेश दे विदेश मंत्रालय नै आखेआ ऐ जे उनदे मुल्खे च हिरासत च लैते गेदे 95 भारतीय मछुआरें ते भारत दी हिरासत च लैते गेदे 90 बांग्लादेशी मछुआरें दी पारस्परिक प्रत्यावर्तन प्रक्रिया कल सोयां शुरू होई ऐ। मंत्रालय नै दस्सेआ ऐ जे एहू कम्म एतवार तगर पूरा होई जाने दी संभावना ऐ। मंत्रालय दी एइ प्रेस विज्ञप्ति च दस्सेआ गेआ ऐ जे बांग्लादेश तट रक्षक बल नै 95 भारतीय मछुआरें गी भारतीय तटरक्षक बल गी सौंपने ते 90 बांग्लादेशी मछुआरें गी हासिल करने दी प्रक्रिया शुरू करी दिती ऐ। मीडिया रिपोर्टें मूजब, भारत च हिरासत च लैती गेदी दो बांग्लादेशी मछली पकड़ने आली किशतिएं ते बांग्लादेश च हिरासत च लैती गेदी 6 भारतीय मछली पकड़ने आली किशतिएं दा बी दोनं तटरक्षकें बश्कार आदान-प्रदान कीता जाग।

<><><><><><>

Droppadi Murmu

राश्ट्रपति द्रौपदी मुर्म होंरें मानसिक स्वास्थ्य ते नसें सरबंधी विज्ञान दे खेत्तर च सराहनेजोग कम्म लेई NIMHANS गी ममारखां दित्तियां। बेंगलुरु च NIMHANS दे स्वर्ण जयंती समारोह दे मौके पर उनें आखेआ जे NIMHANS अज्ज मानसिक स्वास्थ्य ते नसें सरबंधी विज्ञान दे खेत्तर च विश्व दी अगुवाई करा रदा ऐ। सुश्री मुर्म होंरें आखेआ जे स्हाड़े समाज च मनोरोग गी लेइयै धारणा सेही नेई ऐ। मगरा NIMHANS जनेई संस्थान नै मानसिक विकार आहले रोगियें गी गुणवत्तापूर्ण दिक्खभाल प्रदान कीती ऐ। NIMHANS आसेआ शुरू कीती गेई टेली मानस सेवाएं देश दे कोने-कोने तोड़ी मानसिक

स्वास्थ्य दिक्खभाल पुजाने च मदद करा रदी ऐ। राष्ट्रपति होरें आखेआ जे कारोना महामारी, बुजुर्गे दा कल्लापन ते महिलाएं च कमजोरी जनेई विकारें नै कई मानसिक संकट ते चैंता पैदा कीतियां ना। कर्नाटक दे मुख्मन्त्री सिद्धामैया होरें मानसिक स्वास्थ्य दिक्खभाल गी लोकें तोड़ी पजाने च राज्य स्वास्थ्य विभाग ते NIMHANS बश्कार सहयोग दी जानकारी दिती।

<><><><><><>

VP Vedant

उपराश्ट्रपति जगदीप धनखड हों आखेआ जे वैश्विक अनुशासन वेदांत दर्शन गी अपना रदे न जेडे जे देश दा प्राचीन ज्ञान ऐ। उनें आखेआ जे वेदांत ते दर्शन कोला बी मता अगो ऐ। उपराश्ट्रपति होरें अज्ज नमीं दिल्ली च ज्वाहर लाल नेहरू विश्वविद्यालय च वेदांत दी 27मीं अंतरराश्ट्रीय कांग्रेस दे उद्घाटन दी अध्यक्षता कीती। इस मौके पर श्री धनखड होरें आखेआ जे वेदांत वेदें दा सार जां निष्कर्ष ऐ जेडा जे देश दी कालातीत निधि ऐ।

<><><><><><>

NCC-RD Camp

गणतंत्र दिवस शिविर 2025 च राश्ट्रीय कैडेट कोर एनसीसी दे सब्बनें राज्यें ते केंद्र शासित प्रदेशें दी अगुवाई करने आहली 917 कुड़ियें दा कैडेट सने 2300 शा मते कैडेट हिस्सा लैंगन। अज्ज नमीं दिल्ली च आकाशवाणी कन्नै विशेष गल्लबात करदे होई एनसीसी दे महानिदेशक लेफ्टिनेंट जनरल गुरबीरपाल सिंह होरें आखेआ जे एहू इक म्हीने तोड़ी चलने आहले शिविर दा औपचारिक उद्घाटन 5 जनवरी गी उपराश्ट्रपति जगदीप धनखड करंगन। शिविर च हिस्सा लैने आहले कैडेट 26 जनवरी गी गणतंत्र

दिवस परेड सने कई गतिविधियें च हिस्सा लेंगन। इस शिविर दा दौरान उपराश्ट्रपति जगदीप धनखड़, रक्षा मंत्री राजनाथ सिंह ते दिल्ली दी मुख्मन्त्री आतिशी सने बड़ी मती गिनतरी मानजोग परोहने करंगन।

<><><><><><>

Indian Navy

भारतीय नौसेना 15 जनवरी गी मुम्बई दे नौसेना डॉकयार्ड च 3 अगेत्री पंक्ति दे युद्धपोतें प्रोजेक्ट 17-ए Stealth Frigate class दा प्रमुख ज्हाज नीलगिरी, प्रोजेक्ट 15-बी Stealth Destroyer class दा चौथा ते अखीरी ज्हाज सूरत ते सकोरपेन क्लास प्रोजेक्ट 15 बी त्रत्र दा चौथा ते अखीरी ज्हाज सूरत ते सकोरपेन क्लास प्रोजेक्ट दी 6मीं ते अखीरी पनडुब्बी वाधशीर गी शामिल करने जा'रदी ऐ। इस कन्नै भारतीय नौसेना दी युद्ध क्षमता गी काफी बढ़ावा थ्होग ते स्वदेशी ज्हाज निर्माण च देश दी अगेत्री स्थिति गी उजागर कीता जाग। त्रोंनं प्लेटफार्म गी पूरी चाल्ली मझगांव डॉक शिपविल्डिर्स लिमिटेड मुम्बई च डिजाइन ते निर्मित कीता गेआ ऐ। प्रोजेक्ट 17-ए दा प्रमुख ज्हाज नीगिरी शिवालिक क्लास फ्रिगेट दे मुकाबले च इक बड़ी प्रगति ऐ जिस च अज्जै-कल्लै दी तकनीक राहें महत्वपूर्ण स्टील्थ विशेषताएं ते घट्ट रडार सिगनेचर शामिल न।

<><><><><><>

Railway Minister

असम च केंद्री सूचना ते प्रसारण, रेलवे मंत्री अश्विनी वैष्णव होरें राज्यपाल लक्ष्मण प्रसाद आचार्य ते मुख्मन्त्री हेमंत बिश्वसरमा हुंदे कन्नै 3 ट्रेनें गुवाहाटी न्यू लखीमपुर जन

शताब्दी एक्सप्रेस, न्यू बोंगाईगांव गुवाहाटी पैसेंजर ट्रेन ते तिनसुकिया नाहरलागुन एक्सप्रेस गी हरी झंडी दस्सी ते अज्ज गुवाहाटी च पुल उप्पर इक शिडक गी बी लोकें गी समर्पित कीता। वैशणव होरें गुवाहाटी थमां वर्चुअल 10 किलोमीटर दे आकाशवाणी कोकराझार एफ.एम स्टेशन दा बी उद्घाटन कीता। मंत्री होरें गुवाहाटी च राश्ट्री इलेक्ट्रानिक्स ते आई.टी संस्थान दा बी वर्चुअल ढंगै नै शुरूआत कराई।

<><><><><><>

Vande Bharat

वंदे भारत स्लीपर ट्रेन नै पिछले त्र'ऊं दिनें च अपने कई परीक्षणें च 100 किलोमीटर फही घंटे दी अधिकतम रफ्तार हासल कीती ऐ। इस म्हीने तोड़ी ट्रायल जारी रौह्ग। इनें वंदे भारत स्लीपर ट्रेनें गी आपूं चै खुल्लने बंद होने आहले दरवाजे, बेहद आरामदायक बर्थ, ऑन बोर्ड वाई-फाई ते विमान जनेई डिजाइन जनेई सुविधाएं कन्नै डिजाइन कीता गेआ ऐ। रेल मंत्री अश्विनी वैशणव होरें कोटा डिविजन च सफल परीक्षण दा इक वीडियो सांझा कीता। देश भर च चला रदी 136 वंदे भारत ट्रेनें जरिए देश दे यात्री पैहले थमां गै विश्व स्तर दी जात्तरा दा अनुभव लै रदे'न।

<><><><><><>

Home-Minister

केंद्री गृह मंत्री अमित शाह होरें नमीं दिल्ली च द्वीव विकास एजेंसी दी 7मीं बैठक दी अध्यक्षता करा रदे हें बैठक च अंडमान ते निकोबार दे उपराज्यपाल देवेन्द्र कुमार जोशी, लक्ष्यद्वीप प्रशासक प्रफुल्ल पटेल, केंद्री गृह सचिव गोबिंद मोहन ते होरनें वरिष्ठ

अधिकारिणं हिस्सा लैता। 2017 च स्थापित द्वीप विकास एजेंसी देश च द्वीपें दे समूलचे विकास पर केंद्रित ऐ।

<><><><><><>

Delhi Visibility

दिल्ली एनसीआर च अज्ज घना कोहरा ते घट्ट दृश्यता छाई दी रेही जिस करी डुआरी ते रेल सेवां प्रभावित होइयां। राश्ट्रीय राजधानी दे इंदिरा गांधी अंतरराश्ट्रीय हवाई अड्डे पर घट्ट दृश्यता करी कोई 50 डुआरियां देरी कन्नै चलियां। दिल्ली औने आहली कई ट्रेनें दी अओजाई बी प्रभावित होई।

<><><><><><>

Baankanet

सरकार नै अज्ज संपत्तियें दी ई-निलामी लेई संशोधित पोर्टल BAANKNET शरू कीता ऐ। एह प्लेटफार्म सब्बै सार्वजनिक खेत्तरें दे बैंकें थमां ई-निलामी संपत्तियें दी जानकारी गी किट्टा करदा ऐ ते खरीदें ते निवेशकें गी बक्ख-बक्ख किस्म दी संपत्तियें दी खोज करने लेई BAANKNET प्रदान करदा ऐ। पोर्टल शरू करदे होई माली सेवा विभाग दे सचिव एम. नागाराजू होरें जोर देइयै आखेआ जे इस प्लेटफार्म दी शरूआत राएं सार्वजनिक खेत्तर दे बैंकें दी वसूली प्रक्रिया च मदद थ्होग। बैंकें दी बैलेंसशीट च सुधार होग ते कारोबार ते व्यक्तियें लेई दोआर उपलब्धता बढोग। पोर्टल च सूचीबद्ध आवास सरबन्धी

संपत्तियों जियां जे फ्लैट, घर ते बपारिक संपत्तियां, औद्योगिक जिमी ते भवन, हट्टियां, गड्डियां ते राईबाई ते गैर कृषि जिमी शामिल ऐ।

<><><><><><>

Jharkhand

झारखंड दी महिला हॉकी खडारन ते भारतीय हॉकी टीम दी कप्तान सलीमा टेटे होरेंगी अर्जुन अवार्ड कन्नै नवाजेआ जाग। सलीमा झारखंड दी पैहली महिला ते दुई हॉकी खडारन न जिनेंगी अर्जुन अवार्ड लेई चुनेआ गेआ ऐ। सलीमा हुंदी इस उपलब्धि पर राज्यपाल संतोष कुमार गंगवार, मुख्खमंत्री हेमंत सोरेन ते होरनें खेड्डू प्रेमियें उनेंगी ममारखां दित्तियां।

<><><><><><>

Bolvia

भारत नै जंगलें दी अग्ग शा निब्बड़ने लेई बोलीविया गी मानवीय सहायता प्रदान कीती ऐ। विदेश मंत्रालय दे प्रवक्ता रणधीर जायसवाल होरें सोशल मीडिया पर इक पोस्ट च आखेआ जे अग्ग साहलने आहले उपकरण, प्राथमिक चिकित्सा किट, दवाइयां ते होरनें उपयोगी चीजें कन्नै भरोची दी खेप बोलीविया लेई रवाना होई गेई ऐ। कुल 16 टन अग्ग साहलने आहले उपकरण ते सरबंधित राहत सामग्री भेजी जाग।

<><><><><><>

South-Korea

दक्खन कोरिया दे अधिकारियें सियोल दे मध्य च यून परिसर अंदर अपने सुरक्षा दल कन्नै घंटे तोड़ी चलदे दे गतिरोध दे बाद महाभियोग लागे गेदे राष्ट्रपति यून सुक योल गी गिरफ्तार करने दी कोशिश गी स्थगित करी दित्ता ऐ। इस च शामिल 150 अधिकारियें अपने आपै गी असहाय दस्सेआ। सब्बनें शा पैहले बड़ी गिनतरी च यून समर्थक जेड़े जे बड्डलै सवेले उंदे निवास दे बाहर किट्ठे होए दे हे ते फही ईमारत दे अंदर सुरक्षा कर्मचारियें दी इक मानक दीवार ही। पुलिस इस हफ्ते दी शुरूआत च जारी कीती गेदी गिरफ्तारी वारंट गी तामील करने दी कोशिश करा रदी ही जिसले यून होरें पुंछ पड़ताल लेई पेश होने लेई त्रुं समन गी नजरअंदाज करी दित्ता हा।

<><><><><><>

Indo-Maldives Talks

विदेश मंत्री डॉ. एस जयशंकर ते मालदीव दे विदेश मंत्री अब्दुल खलील बशकार अज्ज नमीं दिल्ली च प्रतिनिधिमंडल स्तर दी वार्ता होई। अपने उद्घाटनी भाषण च डॉ. जयशंकर होरें आखेआ जे दौनें देशें बक्ख-बक्ख खेत्तरें च सहयोग बदाया ऐ। उनें दोहराया जे भारत म्हेशां मालदीव कन्नै खडोते दा ऐ ते देश नै मालदीव लेई जरूरी चीजें दे निर्यात गी सुविधाजनक बनाया ऐ।

<><><><><><>

Cricket

क्रिकेट च सिडनी च खेड्ए जा'रदे बार्डर गवास्कर ट्रॉफी दे अखीले ते 5में टेस्ट मैच दे पैहले ध्याड़े दा खेड्ए मुक्कने तगर भारतीय टीम आस्ट्रेलिया खलाफ 185 रन गै बनाई सकी ते ऑल आउट होई गेई। भारतीय टीम दी तरफा जसप्रीत बुमराह होरें 22 रन

बनाए जिसले के जड़ेजा 26 रन्ज बनाइयै आउट होई गो। आस्ट्रेलिया दी तरफा स्काट बोलैंड नै 4 विकटां हासल कतियां। तोआई, पैहले दिन दा खेड्ड मुक्कने तोड़ी 1 विकट दे नुकसान पर आस्ट्रेलिया नै 9 रन बनाई लैते हे। भारत नै टॉस जित्तियै पैहले बल्लेबाजी करने दा फैसला लैता हा।

